

中國方志叢書·華中地方·第八八三號

據

清·李其昌纂修
清乾隆二十五年刊本

影印

江 西 省

蓮花廳志

(一)

成文出版社有限公司印行

本書承

東洋文庫提供所藏稿本
謹誌並致謝忱

西蜀李漣溪輯

蓮花廳志

本衙藏校

序

蓮廳開境安永分疆珠纒接斗北之樞
膏壤控荆南之域四圍嵐翠樹雉堞於
雲霄一派溪流浚湯池於天塹峯則青
杼九點冷暎冰壺水則碧瀉千尋韻沉
琴浦百餘里綺分繡錯派開紅藕之邨

廿二都秀毓靈鍾雅萃綠槐之市耕雲
鋤雨可繪豳詩布帛麻枲盡登禹貢為
採風者所必錄實守土者職綦重也惟
是設官而後未有全書史乘之遺委諸
草莽江盡吳地誰識越山之多洞有秦
人渾忘晉代之蹟廢丹鉛於斷簡恐與

夏五同疑留銀蝨於殘編必致妃豨襲
謬失今不輯將高文典冊之無徵望古
云遙恐懿行嘉言之孰考余慙泚史筆
用效管窺廣輯舊聞竊抒末議雖記傳
兩邑秦漢以上無稽焉乃事閱千年唐
宋而來可攷也况乎遺徽不遠後進可

期復禮院前劉聘君之六鑑炳若日星
勤王臺畔吳招討之孤忠力扶宇宙
唱叶五雲之瑞義門貽六世之芳烈體
斷膚彼閨貞尚有典型漱石枕流即寓
賢俱多逸韻以故花生青管悉布帛菽
粟之文錦滿紅箋泝月露風雲之作夫

苟旁搜而博採有不信今而傳後也哉
然而實貴循名事難經始入境而昧大
章之步安問廣輪搦管而失董史之才
奚分淑慝余固冠之以諸圖而申之以
凡例也若志天文也兼及農桑之譜紀
輿地也必詳山水之經詞雖涉於摭摭

意則要於明脩因則壞而成賦人尚急
公自裂土而分符俗猶近古彬彬者清
華入選不遺博士之員琅琅者風雅可
觀并拔閨房之秀以及義隆威獲亦許
彤管分輝事出元奇或与緇流并錄原
不必自矜其別調亦可以共鑒夫苦心

至如志潔行芳年高德劭望重集賢

里聲馳通德之坊兼收或格於成言補
輯專資於異日正當追撫琴之遺蹟懷
讀易之高風益懋厥修聿嘉乃績以脩
輜軒之採永增黎東之華美合兩鄉名
垂百代是所望於聽之觀志而繼志庶

不負乎志之在廳而言廳矣

乾隆二十五年歲次庚辰花朝後三日

進士出身

特授奉政大夫同知吉安府蓮花廳事壬申

巳郊科江西鄉試同考試官加三級紀

錄五次西蜀李其昌撰



序

周官職方氏掌天下之圖辨邦國
晰人民財賦穀畜之數郡邑志乘
率昉于是所以徵文獻昭官守別
貞淫刺奢儉察機祥也昔人謂秉
史筆者非良才不能有作即作不

能傳世而行遠其於志乘亦然苟
考覈之未詳折衷之未當亦何以
昭信于來茲仔是任者良鉅且艱
也今

天子化隆堯舜德邁成康車書九有梯
航萬國統志省志次第悉成凡在

山陬海澨一官一邑有以咨得失
考政治者咸班、具有成書矣蓮
花之為廳也為吉郡分治自康熙
三十七年始析永新安福二邑地
而建置焉崇岡疊巘毗連楚境號
稱險塞初治以來官師之擢去靡

常故于志乘缺然無聞李君佐守
是邦慨焉首為已任芻蕘廣輯綱
舉目張兩閱歲而書成以凡例郵
寄示余予讀而善之倘所謂傳立
而行遠者乎余常稽古之為郡語
其山川則匡山武功之爭奇競秀

文江龍洲之滌洄映帶語其人物
則曾洗馬之好學深思蕭給事之
從容悟主歐文忠文章德業彪炳
千秋胡忠簡登朝諤々特立不阿
他如劉楊周文諸公或以清節顯
或以相業稱或以文或以忠而前

朝科名之盛蟬聯鱗比他郡莫之
與京蓮廳逼處偏隅芳徽前躡流
風餘韻聲教所漸摩清泚所鍾靈
其或未之替耶李君以西蜀名流
出而臨民癘墜畢舉顯巖穴式閭
里其人其地必有足誌之者則斯